

species, quæ secundum regulam dialecticorum et rhetorum genus dividit, descendit in omnia: ut scilicet de omnibus quæ supponuntur generi, predicitur. Idcirco omnium quæ sunt, secundum eorum re-

A gulas, alia quidem sunt justa, secundum unam speciem boni; alia sunt aliud, secundum ejusdem generis aliam; omnia vero, secundum harum specierum genus, sunt bona.

AN. MANL. SEV. BOETII • BREVIS FIDEI CHRISTIANÆ COMPLEXIO.

Christianam fidem Novi ac Veteris Testamenti pandit auctoritas; et quamvis nomen ipsius Christi vetus intra semet continuerit instrumentum, eumque semper significaverit adfuturum, quem tradimus per partum Virginis jam venisse, tamen in orbem terrarum ab ipsis nostri Salvatoris mirabiliter manasse probatur adventu. Hæc autem religio nostra, quæ vocatur Christiana atque Catholica, his fundamentis principaliter uititur, asserens: Ex æterno, id est ante mundi constitutionem, ante omne videlicet quod temporis potest retinere vocabulum, divinam Patris, ac Filii, et Spiritus sancti, existuisse substantiam: ut Deum dicat Patrem, Deum Filium, Deum Spiritum sanctum; non tamen tres Deos, sed unum. Patrem itaque habere Filium ex substantia sua genitum et sibi nota ratione coæternum, quem Filium eatenus constitetur fides, ut non sit idem qui Pater, neque Patrem aliquando fuisse Filium, ne rursus in infinitum humanus animus divinam progeniem cogitaret; neque Filium in eadem natura qua Patri coæternus est, aliquando fieri Patrem, ne rursus in infinitum divina progenies tenderetur; sanctum vero Spiritum, neque Patrem esse neque Filium, atque ideo nulla natura neque genitum neque generantem, sed a Patre quoque procedentem et Filio. Quis sit tantum processionis istius modus ita non possumus evidenter dicere, quemadmodum generationem Filii ex paterna substantia non potest humanus animus estimare. Hæc autem ut credantur, vetus ac nova informat instructio: de qua, velut arce religionis nostræ, multi diversa, et humaniter, atque ut ita dicam, carnaliter sentientes, adversa locuti sunt: ut Arius, qui, licet Deum dicat Filium, minorem tamen Patrem multipliciter et extra Patris substantiam constitetur. Sabelliani quoque non tres existentes personas, sed unam ausi sunt affirmare: eumdem dicentes Patrem esse qui Filius est; eumdemque Filium qui Pater est; atque Spiritum sanctum eumdem esse qui Pater et Filius est; ac per hoc unam dicunt esse personam, sub vocabulorum diversitate signatam. Manichæi quoque, qui duo principia, sibi coæterna et adversa, proflentur, unigenitum Dei esse non credunt: indignum enim judicant, si Deus habere filium videatur, nihil aliud cogitantes nisi carnaliter; ut quia hæc generatio duorum corporum commixtione procedit, illic quoque indignum esse intellectum hujusmodi applicare: quæ res eos nec Vetus facit recipere Testamentum, neque in integro

Novum. Nam sicut illud omnino error eorum non recipit, ita ex virgine generationem Filii non vult admittere, ne humano corpore polluta videatur Dei fuisse natura. Sed de his hactenus; suo enim loco ponentur sicut ordo necessarius postularit.

Ergo divina ex æterno natura, et in æternum sine aliqua mutabilitate perdurans, sibi tantum conscientia voluntate sponte mundum voluit fabricare, eumque cum omnino non esset, fecit ut esset; nec ex substantia sua protulit, ne divinus natura crederetur; neque aliunde molitus est, ne jam extitisset aliquid quod ejus voluntatem existentia propriæ naturæ jucaret, atque esset, quod neque ab ipso factum esset, et tamen esset; sed verbo produxit caelos, terram creavit, ita ut cœlesti habitatione dignas celo naturas efficeret, ac terræ terrena componeret. De cœlestibus autem naturis, quæ universaliter vocantur angelicæ, quamvis illic distinctis ordinibus pulchra sint omnia, pars tamen quedam plus appetens quam ei natura atque ipsius auctor naturæ tribuerat, de cœlesti sede projecta est. Et quoniam angelorum numerum, id est supernæ illius civitatis, cuius cives angeli sunt, imminutum noluit conditor permanere, formavit ex terra hominem atque spiritu vitæ animali, ratione composuit, arbitrii libertate decoravit, eumque, præfixa lege, paradisi deliciis constituit, ut, si sine peccato manere vellet, tam ipsum quam ejus progeniem angelicis cœtibus sociaret: ut quia superior natura per superbiam malum ima petierat, inferior substantia per humilitatis bonum ad supernam concenderet. Sed ille auctor invidiæ non ferens hominem illuc ascendere, ubi ipse non meruit permanere, tentatione adhibita fecit etiam ipsum ejusque comparem, quam de ejus latere formator generandi causa produxerat, inobedientiæ suppliciis subjaceret, ei quoque divinitatem promittens adfuturam, quam sibi dum arroganter usurpat, elisus est. Hæc autem revelante Deo Moysi famulo suo comperta sunt, cui etiam humani generis conditionem atque originem voluit innotescere, sicut ab eo libri prolati testantur. Omnis divina auctoritas his modis constare videtur, ut aut historialis modus sit, qui nihil aliud nisi res gestas enuntiet, aut allegoricus, ut non illi possit historiæ ordo consistere, aut certe ex utriusque compositus, ut et secundum historiam et secundum allegoriam manere videatur. Hæc autem pie intelligentibus et veraci corde tenentibus satis abundeque reluent. Sed ad ordinem redeamus.

nomine illud in meo, Fossatensi, Regio et S. Vjetoris codicib., ut eos taceam ex quibus idem jam olim monuerat Tritemius, qui librum de Fide vocal.

* Opusculum hoc, quod nunc primum publici juris facimus, Boetii esse, ipse orationis stylus et mysteriorum religionis Christianæ series compendiosa sic confirmans, ut addere minimè necesse sit existare ejus

Primus itaque homo ante peccatum cum sua conjugi incola Paradisi fuit : at ubi aurem præbuit suæ sorori et conditoris præceptum neglexit attendere, ex-sul effectus, terram jussus est excolere, atque a Paradisi sinu seclusus, in ignotis partibus sui generis posteritatem transposuit, atque pœnam, quam ipse primus homo prævaricationis reus exceperat, generando transmisit in posteros. Hinc factum est, ut et corporum atque animarum corruptio et mortis proveniret interitus ; primusque mortem in Abel filio suo meruit experiri, ut quanta esset pœna, quam ipse exceperat, probaret in sobole. Quod si ipse primus moreretur, nesciret quodammodo, ac, si dici fas est, nec sentiret pœnam suam ; sed ideo expertus in altero est, ut quid sibi jure deberetur contemptor agnoscere, et dum pœnam mortis sustinet, ipsa exspectatione fortius torqueretur. Hoc autem prævaricationis malum, quod in posteros naturaliter primus homo transfuderat, quidam Pelagius non admittens, proprii nominis hæresim dedicavit, quam catholica tides a consortio suo mox repulisse probatur. Ab ipso itaque primo homine procedens humaanum genus, ac multiplici numerositate succrescens, erupit in lites, commovit bella, occupavit terrenam miseriari, qui felicitatem Paradisi in primo patre perdidérat. Nec tamen ex his defuerunt quos sibi Conditoris gratia sequestraret, ejusque placitis inservirent ; quos licet meritum naturæ damnaret, futuri tamen sacramenti et longe postmodum proferendi faciendo participes, perditam voluit reparare naturam. Impletus est ergo mundus humano genere, atque ingressus est homo vias suas, qui malitia propriæ contumacæ despexerat Conditorem. Hinc volens Deus per justum potius hominem reparare genus humaanum, quam manere protervum, pœnam multitudinem, effusa diluvii inundatione, exceptio Noe justo homine cum suis liberis atque his quæ secum in arcam introduxerat, interire permisit. Cur autem per arcæ lignum voluerit justos eripere, notum est divinarum Scripturarum mentibus eruditis ; et quasi prima quædam inundi ætas diluvio ultiore transacta est.

Reparatur itaque humanum genus, atque propriæ naturæ vitium, quod prævaricationis primus auctor infuderat, amplecti non destitit ; crevitque contumacia quam dudum diluvii unda puniverat, et quæ per numerosam annorum seriem permitta fuerat vivere, in brevitate annorum humana ætas addicta est ; malitiae Deus non jam diluvio punire genus humaanum, sed eodem permanente eligere viros per quorum seriem aliqua generatio commearet, ex qua nobis Filium proprium vestitum humano corpore, mundi in fine concederet. Quorum primus est Abraham, qui cum esset ætate confectus, ejusque uxor decrepita, in senectute sua repromotionis largitione habere filium meruerunt. Hic vocatus est Isaac, atque ipse genuit Jacob. Idem quoque duodecim patriarchas, non reputante Deo in eorum numero quos more suo natura produxerat. Hic ergo Jacob cum filiis ac domo sua transigendi causa Ægyptum voluit habitare ; atque il-

A lic per annorum seriem multitudo concrescens, conperunt esse suspicioni Ægyptiacis imperiis, eosque Pharaon magna ponderum mole premi decreverat et gravibus oneribus affligebat. Tandem Deus, Ægypti regis dominationem despiciens, diviso mari Rubro, quod nunquam ante natura ulla cognoverat, suum transduxit exercitum, ductore Moyse et Aaron. Postea igitur, pro eorum egressione altis Ægyptus plaga vastata est, cum nollet dimittere populum. Transmissio itaque, ut dictum est, mari Rubro, venit per deserta ereuni ad montem qui vocatur Sinai, ibique universorum conditor Deus volens sacramenti futuri gratia populos erudire, per Moysem data lege constituit quemadmodum et sacrificiorum ritus et populorum mores instruerentur ; et cum multis annis multas quoque gentes per viam debellasset, venerunt tandem ad fluvium qui vocatur Jordanis, duce jam Iesu filio Nave, atque ad eorum transitum quemadmodum aquæ maris Rubri, ita quoque Jordanis fluenta siccata sunt ; perventumque est per eam civitatem quæ nunc Hierosolyma vocatur. Atque dum ibi Dei populus moraretur, post judices et prophetas, reges instituti leguntur : quorum post Saulen primatum David de tribu Juda legitur adeptus fuisse. Descendit itaque ab eo per singulas successiones regium stemma, perductumque est usque ad Herodis tempora, qui, primus ex gentibus, memoratis populis legitur imperasse. Sub quo exstitit beata Virgo Maria, quæ de Davidica stirpe pervenerat, quæ humani generis genuit Conditorem. Illoc autem ideo, quia multis infestis criminibus mundus jacebat in mortem, electa est una gens, in qua Dei mandata clarescerent ; ibique missi prophetæ et alii sancti viri, per quorum admonitionem ipse certe populus a tumore pervicaciæ revocaretur ; illi vero, eosdem occidentes, in suæ nequitiae perversitate manere voluerunt.

Atque jam in ultimis temporibus non prophetas neque alios sibi placitos, sed ipsum Unigenitum sum Deus per virginem nasci constituit, ut humana salus, quæ per primi hominis inobedientiam deperierat, per hominem Deum rursus repararetur ; et quia exstiterat mulier quæ causam mortis primo viro suaserat, esset hæc secunda mulier quæ vitæ causam humanis visceribus apportaret. Nec vile videatur quod Dei Filius ex virgine natus est, quoniam præter naturæ modum conceptus et editus est. Virgo itaque de Spiritu sancto incarnatum Dei Filium concepit, virgo peperit, post ejus editionem virgo permanxit, atque hominis factus est idemque Dei filius ; ita ut in eo et divinæ naturæ radiaret splendor, et humanæ fragilitatis appareret assumptio. Sed huic tam sanæ atque veracissimæ fidei exstiterant multi qui diversa garrire ; et, præter alios, Nestorius et Eutyches reprobatores hæreseos exstiterunt : quorum unus hominem solum, alter Deum solum putavit asserere, nec humaanum corpus, quod Christus induerat, de humaanæ substantiæ participatione venisse. Sed hæc haec tenus.

Crevit itaque secundum carnem Christus ; baptizatus est, ut qui baptizandi formam erat oæteris tribu-

turus, ipse primus quod docebat exciperet. Post baptismum vero elegit duodecim discipulos, quorum unus traditor ejus fuit; et, quia sanam doctrinam Judaeorum populus non serebat, eum, illata manu, crucis supplicio peremerunt. Occiditur ergo Christus, jacet tribus diebus ac noctibus in sepulcro; resurgit a mortuis, sicut, ante mundi constitutionem, ipse cum Patre decreverat; ascendit in cœlos, ubi, in eo quod Filius Dei est, nunquam defuisse cognoscitur; ut assumptum hominem, quem diabolus non permiserat ad superna descendere, secum Dei Filius cœlesti habitationi sustolleret. Dat ergo formam discipulis suis baptizandi, doceundi salutaria, efficientiam quoque miraculorum, atque in universum mundum ad vitam præcipit introire, ut prædicatio salutaris non jam in una tantum gente, sed orbi terrarum prædicaretur. Et, quoniam humanum genus naturæ merito, quam ex primo prævaricatore contraxerat, aeternæ poenæ jaculis fuerat vulneratum, nec saluti suæ erat idoneum, quod eam in parente perdiderat, medicinalia quædam tribuit sacramenta: ut agnosceret aliud sibi deberi per naturæ meritum, aliud per gratiæ donum; ut natura nihil aliud nisi poenæ submitteret, gratia vero, quæ nullis meritis attributa est, quia nec gratia diceretur si meritis tribueretur, totum quod est salutis suæ afferret.

Diffunditur ergo per mundum cœlestis illa doctrina, adiunantur populi, instituuntur Ecclesiæ, fit unum corpus quod mundi latitudinem occuparet; cuius caput Christus ascendit in cœlos, ut necessario caput

A sum membra sequentur. Hæc itaque doctrina et presentem vitam bonis informat operibus, et post consummationem sæculi, resurrectura corpora nostra, præter corruptionem ad regna coelestia pollicetur, ita ut qui hic bene, ipso donante, vixerit, esset in illa resurrectione beatissimus; qui vero male, miser post munus resurrectionis adesset. Et hoc est principale religionis nostræ, ut credamus, non solum animas non perire, sed ipsa quoque corpora quæ mortis adventus resolverat, in statum pristinum futura beatitudine reparari. Hæc ergo Ecclesia catholica, per orbem diffusa, tribus modis probatur existere. Quidquid in ea tenetur, aut auctoritas est Scripturarum, aut traditio universalis, aut certe propria et particularis instructio; sed auctoritate tota constrainitur, universal traditione majorum nihilominus tota, privatis vero constitutionibus et propriis informationibus unaquæque vel pro locorum varietate, vel prout cuique bene visum est, subsistit et regitur. Sola ergo nunc est fidelium exspectatio, qua credimus ad futurum finem mundi, omnia corruptibilia transitura, resurrecturos homines ad examen futuri judicii, recepturos pro meritis singulos, et in perpetuum atque in æternum debitum finibus permansuros; solumque esse præmium beatitudinis, contemplationem Conditoris; tantam duntaxat, quanta a creatura ad Creatorem fieri potest: ut ex eis, reparato angelico numero, superna illa civitas impleatur, ubi rex est Virginis Filius; eritque gaudium sempiternum, delectatio, cibus, opus ^a, laus perpetua Creatoris.

^a Beatos laudare in cœlo Deum receptissima præsertim apud Christianos sententia est, ex admiratione nimis divinitatis et bonitatis ejus: quæ laus cum summa angelorum beatorumque Dei contemplatione conjuncta est. Illorum enim, ait Athanasius, opus unicum est, Τμῆμας ἀλητοῖς καὶ αἰνός ὑπαντοῖς τῆς μεγαλοπρεπεῖας τοῦ Θεοῦ, Ὕμνος περpetuus et laus magnificientie Dei indefessa; nec horum minus: Nam maxima et unica sanctis est requies, in cœlo laudem summae Trinitatis, quæ Deus est, indefessa voce dicere, inquit Junilius Africanus, si modo is est. Nec tantum in cœlo beatorum opus illud est, sed et mortalium in terris hominum esse debet: quod non ex innumeris solum sacri Codicis Patrumque testimoniis, verum et ex his ethnici, sed sapientissimi viri Epicteti, apud Arrianum verbis convincere est: Εἰ γὰρ νοῦν εἶχομεν, ἀλλο τί δεῖ οὐκέτι ποιεῖν καὶ κοτέρη καὶ ἴδια, η ὑμεῖν τὸ Θεῖον,

D

AN. MANL. SEV. BOETII

LIBER DE PERSONA ET DUABUS NATURIS

CONTRA EUTYCHEN ET NESTORIUM,

AD JOANNEM DIACONUM ECCLESIAE ROMANÆ.

PROLOMUM.

Anxie te quidem diuque sustinui, ut de ea que in conventu nostra est quæstione loqueremur. Sed quoniam et tu, quoniam venires, occupatione distractus

* Næ quod non est somniant Martianus Rota, qui in Vita Boetii asserit Leonem pontificem Romanum interfuisse concilio Chalcedonensi, cum tantum per-

es, et ego in crastinum constitutis negotiis implicabor, mando litteris quæ coram loquenda servaveram. Meministi enim, cum in concilio legeretur ^a epistola, recitatum Eutychianos ex duabus naturis Christum legatos ei præfuerit. Deinde qui hic agi de ejusdem epistola Chalcedone Romam missa existimat, cum econtrario Roma Constantinopolim ad Flavianum